



Broj: T18 0 KT 0017925 24
Brčko, 25.10.2024. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

M. S. [...]

Što je:

1. Dana 27.08.2024. godine, oko 17,00 sati, u ulici Mostarska ..., Brčko distrikt BiH, s ciljem pribavljanja protivpravne imovinske koristi male vrijednosti, svjestan da oduzima tuđu stvar, a što je i htio, ušao u kuću porodice Š., u kojoj je zatekao B. Š., kojem je predložio da zamijene telefone, što su i učinili, a nakon što je B.Š. nakratko napustio prostoriju, iz ruke djevojčice A. Š., istrgao njen mobilni telefon marke Samsung A04S, IMEI broja: 354048742860654 i 355353412860656, vrijednosti 300,00 KM, te se sa istim uputio iz kuće, čime je za sebe pribavio protivpravnu imovinsku korist u navedenom iznosu i za isti iznos oštetio vlasnika,

dakle, tuđu pokretninu male vrijednosti oduzeo drugome s ciljem da njenim prisvajanjem pribavi sebi protivpravnu imovinsku korist,

2. Dana 28.08.2024. godine, oko 12,30 sati, u ulici Željeznička broj ..., Brčko distrikt BiH, s ciljem pribavljanja protivpravne imovinske koristi, svjestan da oduzima tuđu stvar, a što je i htio, ušao u stan u kojem stanuje R. O. sa porodicom, te iskoristio njenu nepažnju dok je prostirala veš na terasi i iz stana oduzeo šareni novčanik, u kojem je bio novac u iznosu od 2.060,00 KM, te lična dokumenta i to: lična karta, vozačka dozvola, potvrda o vlasništvu vozila i bankovna kartica NLB banke, sve na ime R. O., lična karta na ime S. A. i zdravstvena knjižica na ime O. G. A, nakon čega je skočio kroz prozor i udaljio se u nepoznatom pravcu, čime je za sebe pribavio protivpravnu imovinsku korist, a oštetio vlasnika,

dakle, tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

čime je, radnjama opisanim u tačkama 1. i 2. počinio produženo krivično djelo –Krađa - iz člana 280. stav (1) u vezi sa članom 55. Krivičnog zakonika Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.
